



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ՔՐԵԱԿԱՏԱՐՈՂԱԿԱՆ ԾԱՌԱՅՈՒԹՅԱՆ
ԳԼԽԱՎՈՐ ՔԱՐՏՈՒՂԱՐ

Ե 40/11 - 8277
« 18 » 11 2019թ.

ՀՀ, ք.Երևան 0061, Արշակունյաց 63
Հեռ.՝ (+374 60) 37-77-37, Հեռ.՝ (+374 10) 44-34-80
Հեռ.՝ (+374 60) 37-26-56, Հեռ.՝ (+374 10) 44-29-04

«ՆՅՈՒ ԻՆԴԱՍԹՐԻԶ» ՍՊԸ-Ի ՏՆՕՐԵՆ՝
Տ.ՎԻՐԱԲՅԱՆԻՆ

Հարգելի պարոն Վիրաբյան,

ՀՀ ԱՆ Քրեկատարողական ծառայության և «Նյու Ինդասթրիզ» ՍՊԸ-ի միջև 2018 թվականի դեկտեմբերի 21-ին կնքվել է «ՀՀ ԱՆ ՔԿԾ-ԳՀԾՁԲ-18/15-2» ծածկագրով պայմանագիրը (այսուհետև՝ Պայմանագիր), ըստ որի «Նյու Ինդասթրիզ» ՍՊԸ-ն պարտավորվել էր կատարել ՀՀ ԱՆ «Նուբարաշեն», «Վարդաշեն» և «Սևան» քրեակատարողական հիմնարկներում շինարարական աշխատանքների նկատմամբ տեխնիկական հսկողություններ իրականացնելու ծառայությունները: Պայմանագրի ընդհանուր գումարը կազմում է 2070000 (երկու միլիոն յոթանասուն հազար) ՀՀ դրամ, որը համապատասխան բանկային երաշխիքի՝ որպես կանխավճար, 25.12.2018թ.-ին ամբողջությամբ փոխանցվել «Նյու Ինդասթրիզ» ՍՊԸ-ի բանկային հաշվեհամարին:

Պայմանագրով նախատեսված տեխնիկական հսկողության ծառայությունները իրականացվելու էր հետևյալ շինարարական աշխատանքների նկատմամբ.

1. ՀՀ ԱՆ «Նուբարաշեն» ՔԿ հիմնարկի սանհանգույցների և լոգարանների վերանորոգման շինարարական աշխատանքներ, ՀՀ ԱՆ «Նուբարաշեն» ՔԿ հիմնարկի ճաշարանի կապիտալ վերանորոգման շինարարական աշխատանքներ, ՀՀ ԱՆ «Վարդաշեն» ՔԿ հիմնարկի արտաքին ջրահեռացման ցանցերի վերակառուցման շինարարական աշխատանքներ (Կապալի պայմանագիր «ՀՀ ԱՆ ՔԿԾ-ԳՀԱՇՁԲ-18/2/1-1» ծածկագրով, կնքված 25.12.2018թ.-ին, Կապալառու՝ «Արտ Պլաս» ՍՊԸ),

2. ՀՀ ԱՆ «Սևան» ՔԿ հիմնարկի արտաքին ջրահեռացման ցանցերի վերակառուցման շինարարական աշխատանքներ (Կապալի պայմանագիր «ՀՀ ԱՆ ՔԿԾ-ԳՀԱՇՁԲ-18/2/1-2» ծածկագրով, կնքված 25.12.2018թ.-ին, Կապալառու՝ «Վանի» ՍՊԸ):

3. ՀՀ ԱՆ «Նուբարաշեն» ՔԿ հիմնարկի արտաքին և ներքին ջրամատակարարման ցանցի, ներքին ջրահեռացման համակարգի կապիտալ վերանորոգման շինարարական աշխատանքներ (Կապալի պայմանագիր «ՀՀ ԱՆ ՔԿԾ-ԳՀԱՇՁԲ-18/2/1-3» ծածկագրով, կնքված 25.12.2018թ.-ին, Կապալառու՝ «Բիդեք» ՍՊԸ),

4. ՀՀ ԱՆ «Վարդաշեն» ՔԿ հիմնարկի 143 մ երկարությամբ արտաքին պարիսպի կապիտալ կառուցման շինարարական աշխատանքներ (Կապալի պայմանագիր «ՀՀ ԱՆ ՔԿԾ-ԳՀԱՇՁԲ-18/2/1-4» ծածկագրով, կնքված 25.12.2018թ.-ին, Կապալառու՝ «Հ.Կ.Շ.Ի.Կ.» ՓԲԸ),

5. ՀՀ ԱՆ «Նուբարաշեն» ՔԿ հիմնարկի էլեկտրալուսավորության ցանցերի կապիտալ վերանորոգման աշխատանքներ (Կապալի պայմանագիր «ՀՀ ԱՆ ՔԿԾ-ԳՀԱՇՁԲ-18/2/1-5» ծածկագրով, կնքված 25.12.2018թ.-ին, Կապալառու՝ «Նեմրութ» ՍՊԸ):

Վերը նշված կապալի պայմանագրերով նախատեսված շինարարական աշխատանքների կատարման վերջնաժամկետը սահմանված էր 2019 թվականի օգոստոսի 31-ին, սակայն աշխատանքների կատարման բարդությունից ելնելով կնքվել են համաձայնագրեր, ըստ որի աշխատանքների կատարման վերջնաժամկետը երկարաձգվել է 30 օրով և սահմանվել է 2019 թվականի սեպտեմբերի 30-ին:

Քրեակատարողական հիմնարկներում շինարարական աշխատանքներն իրականացնելու ընթացքում ի հայտ են եկել բազմաթիվ խոչընդոտներ և բարդություններ, որոնց շտկման վերաբերյալ անցկացվել են խորհրդակցություններ, տրվել են բանավոր ցուցումներ աշխատանքները չդադարեցնելու ուղղությամբ, որին զուգահեռ հեղինակային հսկիչը՝ նախագծողը, պետք է նախագծերում կատարել համապատասխան շտկումներ և ուղղումներ: Նախագծերի շտկումները և ուղղումները կատարվել են շինարարության կատարման ընթացքում և վերջնական ավարտվել են 2019 թվականի հոկտեմբերի 3-ին:

«Նյու Ինդասթրիզ» ՍՊԸ-ի կողմից թույլ են տրվել Պայմանագրով նախատեսված պարտավորությունների ոչ պատշաճ կատարման մի շարք դեպքեր, մասնավորապես.

1. «Արտ Պլաս» ՍՊԸ-ի կողմից իրականացվել են ՀՀ ԱՆ «Նուբարաշեն» ՔԿ հիմնարկի ճաշարանի կապիտալ վերանորոգման, սանհանգույցների և լոգարանների վերանորոգման շինարարական աշխատանքներ, որոնց կատարողական ակտերը տեխնիկական հսկիչը և հեղինակային հսկիչը ստորագրել են, սակայն տեխնիկական հսկիչի՝ «Նյու Ինդասթրիզ» ՍՊԸ-ի, կողմից չի ներկայացրել դրանց վերաբերյալ

ամփոփագրերը՝ եզրակացությունները, հիմք՝ ՀՀ քաղաքաշինության նախարարի 1998 թվականի ապրիլի 28-ի թիվ 44 հրաման: Վերջիններս ներկայացնելու համար «Նյու Ինդասթրիզ» ՍՊԸ-ին տրվել էր բանավոր ցուցում և 4 օրյա ժամկետ, որն նույնպես չի կատարվել:

2. Համաձայն «Հ.Կ.Շ.Ի.Կ.» ՓԲԸ-ի կողմից ՀՀ ԱՆ քրեակատարողական ծառայությանն ուղղված նամակի՝ ՀՀ ԱՆ «Վարդաշեն» ՔԿ հիմնարկի 143 մ երկարությամբ արտաքին պարիսպի կապիտալ կառուցման շինարարական աշխատանքներն ավարտել է, սակայն տեխնիկական հսկիչը՝ «Նյու Ինդասթրիզ» ՍՊԸ-ն, կատարողական ակտերը չի ստորագրել և կատարված աշխատանքների վերաբերյալ անհրաժեշտ ամփոփագրեր ՀՀ ԱՆ քրեակատարողական ծառայությանը չի ներկայացրել:

3. «Վանի» ՍՊԸ-ի կողմից ՀՀ ԱՆ «Սևան» ՔԿ հիմնարկի արտաքին ջրահեռացման ցանցերի վերակառուցման շինարարական աշխատանքներն ավարտվել են և կատարողական ակտերը տեխնիկական հսկիչի կողմից չեն ստորագրվել: ՀՀ ԱՆ «Սևան» ՔԿ հիմնարկ հարցման արդյունքում պարզվել է, որ տեխնիկական հսկիչը շինարարական աշխատանքների ամբողջ ժամանակահատվածում այցելել է ընդամենը երկու անգամ:

4. Համաձայն «Նեմրութ» ՍՊԸ-ի գրության, իրեն տրամադրված շինհրապարակների ծավալների մասով աշխատանքներն իրականացվել են, սակայն տեխնիկական հսկիչը կատարողական ակտերը չի ստորագրել, իսկ ներկայացված ամփոփագրերը ներկայացրել է թերի:

5. Համաձայն «Բիդեք» ՍՊԸ-ի գրության, իրեն տրամադրված շինհրապարակների ծավալների մասով աշխատանքներն իրականացվել են, սակայն տեխնիկական հսկիչը կատարողական ակտերը չի ստորագրել, իսկ ներկայացված ամփոփագրերը ներկայացրել է թերի:

Միաժամանակ տեղեկացնում ենք, որ ՀՀ ԱՆ քրեակատարողական ծառայությունը համապատասխան գրությամբ դիմել է «Նյու Ինդասթրիզ» ՍՊԸ-ին, պահանջելով Կապալառու կազմակերպությունների կողմից կատարված աշխատանքների վերաբերյալ տալ մանրակրկիտ հաշվետվություն և գրավոր եզրակացություն, սակայն չի ներկայացվել հաշվետվություն, իսկ ի պատասխան գրության ներկայացվել է ոչ լիարժեք տեղեկատվություն:

Հաշվի առնելով վերոգրյալը և հիմք ընդունելով Պայմանագրի 2.1.3 կետը՝ ՀՀ ԱՆ քրեակատարողական ծառայությունը 2019թ. նոյեմբերի 18-ին միակողմանի լուծում է ԱՆ

քրեակատարաողական ծառայության և «Նյու Ինդասթրիզ» ՍՊԸ-ի միջև 21.12.2018թ.-ին կնքված «ՀՀ ԱՆ ՔԿԾ-ԳՀԾՁԲ-18/15-2» ծածկագրով պայմանագիրը ամբողջ գումարի՝ 2070000 (երկու միլիոն յոթանասուն հազար) ՀՀ դրամի չափով:

Տեղեկացնում ենք, որ «Նյու Ինդասթրիզ» ՍՊԸ-ն պարտավոր է սույն ծանուցումը ստանալուց հետո, հինգ բանկային օրվա ընթացքում, ՀՀ ֆինանսների նախարարության կողմից բացված գանձապետական 900005028106 հաշվեհամարին փոխանցել 50715 (հիսուն հազար յոթ հարյուր տասնհինգ) ՀՀ դրամը որպես տույժ՝ Պայմանագրի 5.3 կետի համաձայն (Պայմանագրի չկատարված գումարի նկատմամբ), ինչպես նաև վերոհիշյալ ժամկետում ՀՀ ֆինանսների նախարարության կողմից բացված գանձապետական 900005000758 հաշվեհամարին ենթակա է գանձման 207000 (երկու հարյուր յոթ հազար) ՀՀ դրամը որպես տուժանք՝ պայմանագրի կատարման ապահովման գումար (10%):

Միաժամանակ տեղեկացնում ենք, որ Պայմանագրով նախատեսված և «Նյու Ինդասթրիզ» ՍՊԸ-ի բանկային հաշվեհամարին, որպես կանխավճար փոխանցված 2070000 (երկու միլիոն յոթանասուն հազար) ՀՀ դրամ գումարը ենթակա է պարտադիր հետ գանձման:

ՀԱՐԳԱՆՔՈՎ,
ՊԱՇՏՈՆԱԿԱՏԱՐ



ԱՐՏԱԿ ՂԱԶԱՐՅԱՆ